



SIARAN AKHBAR

DIRECTORS' DEVELOPMENT PROGRAMME (DDP) Rabu, 23 Safar 1446H bersamaan dengan 28 August 2024M

1. Brunei Institute of Leadership & Islamic Finance (BILIF) telah menganjurkan Directors' Development Programme (DDP) pada hari Rabu, 23 Safar 1446/28 Ogos 2024 di Radisson Hotel Brunei.
2. Program bertemakan "*Forging a Future of Impact: Board Leadership for a Sustainable Tomorrow*" ini menekankan peranan penting kepimpinan ahli lembaga pengarah dalam memupuk kelestarian dan memacu perubahan yang bermakna terutamanya dalam dunia korporat. Program ini meneroka beberapa topik utama, termasuklah penyesuaian tadbir urus korporat dalam memenuhi keperluan kelestarian yang semakin berkembang, kepentingan menyelaraskan kepakaran ahli lembaga pengarah dengan objektif organisasi, dan peranan visionari mereka dalam membentuk strategi untuk kelestarian jangka panjang dan impaknya terhadap sosio-ekonomi.
3. Acara dimulakan dengan ucapan alu-aluan oleh Haji Awang Afero Eswandy bin Haji Awang Mohamad, Pemangku Ketua Pegawai Eksekutif, BILIF. Dalam ucapannya, beliau menekankan kepentingan untuk menangani cabaran-cabaran utama seperti keseimbangan antara keuntungan dan tanggungjawab sosial, serta memperkukuh peranan pengarah sebagai inovator strategik. Ini adalah untuk memperkasa para peserta untuk mengemudi dan memimpin dengan lebih berkesan berikutan landskap perniagaan yang semakin kompleks.
4. Program ini diteruskan dengan sesi panel mengenai "*Corporate Governance: Adapting to the Sustainability Agenda*" yang menampilkan Dr Ismet Yusoff, Ketua Pegawai Eksekutif, Minority Shareholders Watch Group (MSWG), Malaysia; Salleh Hassan, Pengarah, Piawaiian Profesional & Kelayakan, Securities Industry Development Corporation (SIDC); Manuel Bulens, Timbalan Ketua Pegawai Eksekutif, Consumer Banking, Baiduri Bank Berhad, dan diketuai oleh Dayang Ida Nazrena binti Haji Bujang, Pengurus Kanan, BILIF.

5. Program diikuti dengan sesi panel bertajuk "*Board Fit: Round Holes and Square Pegs*" yang diketuai oleh Pengiran Nina Jasmine binti PLKDR Pengiran Haji Bahrin, Penasihat Kanan, Hal Ehwal Undang-Undang, Brunei Darussalam Central Bank (BDCB), dan disertai oleh Dr Ismet Yusoff; Awang Ahmad Jefri bin Abdul Rahman, Penolong Pengarah Urusan, Brunei Investment Agency; dan Awang Haji Shazali bin Dato Haji Sulaiman, Pengarah Bebas, Baiduri Finance Berhad.
6. Program diakhiri dengan sesi panel bertajuk "*Forging a Future of Impact: Board Leadership for a Sustainable Tomorrow*" yang menampilkan Mohd Radzuan Ahmad Tajuddin; Awang Muhammad Jamil Abas Bin Abdul 'Ali @ James Chiew, Profesor Madya Kanan Adjung, School of Business and Economics, Universiti Brunei Darussalam dan diketuai oleh Angela Lew, Ketua Pegawai Pematuhan, Standard Chartered Brunei.
7. BILIF, sebagai sebuah pusat kecemerlangan bagi industri kewangan di negara ini, sentiasa giat menjalankan misinya untuk membentuk pemimpin, pakar dan pemacu inovasi masa depan terutama dalam bidang kewangan Islam dan kepimpinan melalui program dan acara bertaraf antarabangsa. Maklumat lanjut mengenai BILIF boleh didapati melalui laman web BILIF di www.bilif.com.bn atau akaun Instagram @BILIF.bn.